

# SÁMI ALLASKUVLLA OAHPUID JA EKSÁMENA LÁHKAÁSAHUS

Mearriduvvon Sámi allaskuvlla stivrras geassemánu 11. b. 2026, miessemánu 8. b. 2024 nr. 9 lága vuodul universitehtaid ja allaskuvllaid birra (universitehta- ja allaskuvlalahka) § 2-3, § 3-4, § 3-7, § 3-8, § 3-9, § 2-9 9-3, § 10-5, § 10-6, § 10-7, § 11-1, § 11-2, § 11-3, § 11-4, § 11-5, § 11-6, § 11-7, § 11-8, § 19-19 11-10, § 11-11, § 11-12 ja § 12-4.

## KAPIHTAL 1. OPPALAŠ MEARRÁDUSAT

### § 1-1. Doaibmaviidodat

- (1) Láhkaásahus gusto Sámi allaskuvlla vuolit ja bajit dási oahpuid grádaide, oahppoprográmmaide ja oahppoovttadagaide. Láhkaásahus galgá váikkuhit allaskuvlla oahppoprográmmaid ja oahppoovttadagaid kvalitehtasihkkarastimii, ja regulere studeantaid vuoigatvuodaid ja geatnegasvuodaid.
- (2) Láhkaásahus gusto maid doavttirgrádaoahpuid oahpahusoassái. Muđui regulerejuvvo dát oahppu Sámi allaskuvlla doavttirgráda láhkaásahusa bokte. Vuostálasvuodas manná doavttirgráda láhkaásahus ovddabeallái dán láhkaásahusa.
- (3) Oahpuide madda lea mearriduvvon našunála rámmaiplána, man mearrádusat leat vuostálaga dáinna láhkaásahusain, gustojit rámmaiplána mearrádusat.
- (4) Láhkaásahus gusto maid olbmuide geat čađahit eksámena Láhka universitehtaid ja allaskuvllaid birra (universitehta- ja allaskuvlalahka) § 11-4 vuodul, almmá ahte leat sisaváldon studeantan (privatisttat), jus eará ii leat mearriduvvon oahppoplánas dahje ovttatdátčilgehusas.

### § 1-2. Definišuvnnat

Dán láhkaásahusas geavahuvvojit dát doahpagat:

#### a) *Oahppoprográmma (studieprogram)*

Oahppoprográmma lea oahppu mii sisttisdoallá oahppoovttadagaid main leat oppalaš oahppanjoksosat. Oahppoprográmma dovdomearka lea ahte ii dárbbáš ohcat ođđa sisabeassama váldin dihte oahppoovttadagaid oahppoprográmma siskkobealde.

#### b) *Oahppoplána (studieplan)*

Plána mii earret eará čilge sisabeassangáibádusaid, sisdoalu, oahppoovttadagaid ja oahppanjoksosiid ovttá oahppoprográmmas. Oahppoplánas galgá maid boahtit ovdan vejolaš gáibádus iešheanalaš bargui, guđet oahppoovttadagat leat geatnegahtton ja guđet leat válljenmuni oahppoovttadagat. Oahppoplána sáhtta maid gohčoduvvot prográmmaiplánan.

#### c) *Oahppoovttadat (emne)*

Unnimus ovttatat mii dohkkehuvvo oassin oahpus, oahppoprográmmas dahje grádas. Oahppočuoggáid addi oahppoovttadagas lea sierra loahppaárvoštallan. Čađahuvvon oahppoovttadagas addo sierra árvosátni.

d) *Ovttatatčilgehus (emnebeskrivelse)*

Čilge oahppoovttadaga sisdoalu, viidodaga, oahppanjoksosiid ja eksámen- ja árvvoštallanortnega.

e) *Rámmaoplána (rammeplan)*

Plána mas departemeanta lea mearridan bajit dási rámmaid ja sisdoalu ohppui.

f) *Čiekŋudeapmi (fordypning)*

Oahppoovttadagat mat leat definerejuvvon gullat fágalaččat oktii ja mat sáhttet dievasmahttit nubbi nuppi dainna lágiin ahte huksejit ovtta fága vuodđodási ala ja čiekŋudit dasa.

g) *Oahppočuoggát (studiepoeng)*

Oahpu dahje oahppoovttadaga viidodaga ja bargonoađi mihttu. 60 oahppočuoggá vástidit ovtta oahppojagi bargoarjii ollesáiggeoahpus.

h) *Studeanta (student)*

Olmmoš guhte universitehta- ja allaskuvlalága 8. kapihttala ja dasa gullelaš láchkaásahusaid vuodul, lea sisaváldon allaskuvlla oahppoprográmmii dahje ovttaskas oahppoovttadagaide.

i) *Privatista (privatist)*

Olmmoš guhte universitehta- ja allaskuvlalága § 11-4 vuodul lea ožžon lobi čađahit eksámena almmá ahte lea sisaváldojuvvon studeantan.

j) *Oktagaslaš oahppomannolatplána (individuell utdanningsplan)*

Oktagaslaš oahppomannolatplána lea allaskuvlla ja studeantta gaskasaš goabbatbeallásaš geatnegahtti šiehtadus unnimusat 60 oahppočuoggá oahppoprográmma čađaheapmái.

Oahppomannolatplána vuodđuduvvo oahppoprográmma oahppoplánii, ja galgá earret eará čájehit makkár oahppoovttadagaid studeanta áiggis áigái galgá čađahit.

k) *Kandidáhtta (kandidat)*

Olmmoš guhte diediha iežas eksámenii, sihke studeanttat ja privatisttat.

l) *Árvvoštallan (vurdering)*

Namahus juohkelágan árvvoštallamiidda kandidáhta diedus, máhtus ja oppalaš gelbbolašvuodas.

Buot árvvoštallamat mat bohtet ovdan ovttatatčilgehusas, fertejit leat dohkkehuvvon/cevzojuvvon oazžun dihtii loahpalaš árvosáni ja lohkki oahppočuoggáid.

m) *Eksámen (eksamen)*

Árvvoštallanvuohki mii sisttisdoallá buotlágan geahččalemiid mat addet vuodu mearridit

oahppoovttadahkii sierra árvosáni, juogo nu ahte boadus galgá oahppoduođaštussii/árvosátnečállosii dahje galget rehkenastojuvvot mielde ovtta oktasaš árvosátnái oahppoduođaštusas/árvosátnečállosis.

n) *Oahppoduođaštus (vitnemål)*

Dokumeanta mii duođašta čađahuvvon gráda dahje oahppoprográmma.

*o) Diploma Supplement*

Engelasingielat lasáhus oahppoduodaštussii mas leat dieđut kandidáhta gelbbolašvuoda birra, oahpu sisdoalu birra, oahpu addán ásahusa birra ja riikka oahppovuogádaga birra.

*p) Árvosátnečálus (karakterutskrift)*

Čálus mas leat olahuvvon bohtosat, mat eai atte dahje eai leat addán gráda.

## **KAPIHTAL 2. GRÁDAT**

### **§ 2-1. Grádat**

Sámi allaskuvla sáhhtá fállat oahppofálaldagaid ja addit grádaid universitehta- ja allaskuvlalága láhkaásahusa geassemánu 28. beaivve 2024 nr. 1392 vuodul.

### **§ 2-2. Bachelorgráda**

- (1) Bachelorgráda addo golmma jagi, 180 oahppočuoggá, oahpuide, ovttá čuovvovaš oahppogeainnuin:
  - a. 180 oahppočuoggá oahppoprográmma mii našunála rámmaplána mielde addá bachelorgráda.
  - b. 180 oahppočuoggá oahppoprográmma, mas lea unnimusat 80 oahppočuoggá čieknudeapmi, mii Sámi allaskuvlla stivrra mearrádusa mielde addá bachelorgráda.
  - c. unnimusat 120 oahppočuoggá ámmátoahppu, ja lassin oktiibuot 60 oahppočuoggá oahppoovttadagat.
  - d. iešhuksejuvvon oahppogeaidnu 180 oahppočuoggá viidodagain, gč. nuppi lađđasa.
- (2) Ohcama vuodul sáhhtá addit oahppoduodaštusa iešhuksejuvvon bachelorgrádii, jus dat deavdá dáid vuodđoeavttuid:
  - a. Grádas galgá leat unnimusat 80 oahppočuoggá čieknudeapmi ovttá fágasuorggis, mas unnimusat 20 oahppočuoggá leat čieknudandásis. Unnimusat 30 oahppočuoggá galget leat ovttá eará fágasuorggis go čieknudeapmi.
  - b. Unnimusat 60 oahppočuoggá galget leat čađahuvvon Sámi allaskuvllas, ja 60 oahppočuoggá eai galgga leat oassin ovdal olahuvvon grádas dahje ámmátoahpus.
- (3) Bachelorgráda oassin galgá leat iešheanaláš bargu / bachelorbargu man viidodat lea unnimusat 10 oahppočuoggá. Bargu sáhhtá leat teorehtalaš, praktihkalaš dahje dáiddalaš ja sáhhtá leat čađahuvvon oktagaslaččat dahje joavkkus.
- (4) Go ođđa bachelorgráda addojuvvo belohahkii seamma vuoduin go ovdal olahuvvon gráda dahje ámmátoahppu, de galgá ođđa grádas leat unnimusat 60 ođđa oahppočuoggá ja unnimusat 60 oahppočuoggá grádas galget čađahuvvon Sámi allaskuvllas. Ođđa grádas galgá leat eará fágalaš čieknudeapmi ja dábálaččat eará iešheanaláš bargu / bachelorbargu go ovdal olahuvvon grádas.
- (5) Studeanttain lea vuoigatvuohta oažžut bagadallama bachelorbarggu barggadettiin. Sáhhtá bidjat gáibádussan ahte studeanta lea čađahan bagadallama ovdalgo barggu sáhhtá buktit.

### **§ 2-3. Mastergráda**

- (1) Mastergráda sisdoalu ja viidodaga gáibádusat bohtet ovdan universitehta- ja allaskuvlalága lánkaásahusas.
- (2) Mastergráda oassin galgá leat iešheanalaš bargu / masterbargu man viidodat lea unnimusat 30 oahppočuoggá. Iešheanalaš barggu viidodat ii galgga leat eambbo go 60 oahppočuoggá.
- (3) Go ođđa mastergráda addojuvvo belohakkii seamma vuođuin go ovdal olahuvvon gráda dahje ámmátuoahppu, de galgá ođđa grádas leat unnimusat 60 ođđa oahppočuoggá ja unnimusat 60 oahppočuoggá grádas galget čađahuvvon Sámi allaskuvllas. Ođđa grádas galgá leat eará fágalaš čiekŋudeapmi ja dábálaččat eará iešheanalaš bargu / masterbargu go ovdal olahuvvon grádas.
- (4) Studeanttain lea vuoigatvuohta oázžut bagadallama masterbarggu barggadettiin. Sáhtá bidjat gáibádussan ahte studeanta lea čađahan bagadallama ovdalgo barggu sáhtá buktit.

### **KAPIHTAL 3. OAHPPOPROGRÁMMAID JA OAHPPOKVALITEHTA ORGANISEREN**

#### **§ 3-1. Oahppojahki**

- (1) Dutkan- ja oahppostivra mearrida lohkanbajiid ja dat bohtet ovdan oahppokaleandaris. Oahppokaleandaris bohtet maid ovdan dehálaš áigemearit maid studeanttat galget čuovvut.
- (2) Oahppokaleanddar muitala váldoeksámenáigodaga.

#### **§ 3-2. Oahppoportefølje**

- (1) Stivra mearrida makkár oahppoprográmmat galget leat allaskuvlla oahppoporteføljes.
- (2) Stivra mearrida ásahit ja heaittihit oahpuid main lea viidodat badjel 30 oahppočuoggá.
- (3) Dutkan- ja oahppostivra mearrida ásahit ja heaittihit oahpuid gitta 30 oahppočuoggá viidodaga rádjái.
- (4) Buot oahppoprográmmat galget deavdit gustojeaddji gáibádusaid oahppoprográmmaid akkrediteremii universitehta- ja allaskuvlalága lánkaásahusa kapihttal 1 mielde.

#### **§ 3-3. Oahppoplána ja ovttadatčilgehus**

- (1) Dutkan- ja oahppostivra mearrida oahppoplánaid Sámi allaskuvlla oahpuide.
- (2) Studeanttain lea geatnegasvuohta dovdat iežaset oahppoplánaid ja ovttadatčilgehusaid.
- (3) Buot Sámi allaskuvlla oahppoovttadagain galgá leat ovttadatčilgehus.
- (4) Vuoigatvuohta joatkit ovttat oahpus sáhtá leat regulerejuvvon sierra progresevduvngáibádusain ovttaskas oahppoprográmmas.

#### **§ 3-4. Oahppoplána rievdadeapmi**

- (1) Goahtejodiheddji sáhtá akkrediterema rámmaid siskkobealde dohkkehit rievdadusaid dohkkehuvvon oahppoplánain ja gullevaš ovttadatčilgehus. Dákkár rievdadusat eai galgga gustogoahit ovdal ođđa oahppojahki álgá.
- (2) Jus lea áibbas dárbbalaš, de sáhtá goahtejodiheddji dattetge oahppojagis dohkkehit oahppoplána ja dasa gullevaš ovttadatčilgehusaid rievdadusaid. Dákkár rievdadusaid birra galgá dieđihit nu árrat go vejolaš, ja studeanttat galget beassat buktit cealkámušaid.

- (3) Studeanttaide madda oahppoplána rievdadusat gusket, galgá sihkkarastit govttolaš nuppástusortnegiid.

### **§ 3-5. Lohkanmearri**

Lohkanmeari listu galgá leat studeanttaide olámuttos manjimusat lohkanbaji álggus.

### **§ 3-6. Giella**

- (1) Oahpahuš- ja eksámen giella galgá boahitit ovdan oahppoplánas, ja váldogiellan galgá leat sámegiella.
- (2) Váldonjuolggadusas sáhtá spiehkastit jus dasa leat fágalaš ákkat.
- (3) Oahpuin main sámegiella lea oahpahušgiellan, sáhtá oasi oahpahušas fállat dárogillii, ruoŧagillii dahje suomagillii. Dáin oktavuodáin galgá dulkojuvvot sámegillii dárbbu mielde. Eangalasgiella ii dulkojuvvo.

## **KAPIHTAL 4. OAHPPOVUOIGATVUOHTA, VIRGELOHPI JA HEIVEHEAMIT**

### **§ 4-1. Oahppovuoigatvuohta**

- (1) Sus guhte lea dohkkehan oahpposajifálaldaga allaskuvllas, lea oahppovuoigatvuohta dan oahppoprográmmii dahje oahppoovttadahkii.
- (2) Oahppovuoigatvuohta eaktuda ahte studeanta juohke lohkanbaji máksá lohkanbadjedivada ja registrereha iežas mearriduvvon vuogi mielde ja mearriduvvon áigemeeriide. Áigemearit almmuhuvvojit allaskuvlla neahttasiiddus.

### **§ 4-2. Oktagaslaš oahppomannolatplána**

- (1) Buot studeanttain geat čađahit oahpuid main viidodat lea 60 oahppočuoggá dahje eambbo, galgá leat oktagaslaš oahppomannolatplána, gč. universitehta- ja allaskuvlalága § 11-3. Oktagaslaš oahppomannolatplána galgá čájehit studeantta plánejuvvon oahpu sisdoalu ja progreshuvnna, ja dat galgá leat hábmejuvvon nu ahte studeanta galgá sáhttit čađahit oahpu normerejuvvon áiggis.
- (2) Studeanta galgá dohkkehit oktagaslaš oahppomannolatplána lohkanbaji registrerema oassin, gč. § 4-1 nuppi lađđasa.
- (3) Studeanttat geain lea dábálaš oahppoprogheshuvdna galget sáhttit čađahit prográmma masa leat sisaváldon nu ahte prográmma dássi ja oahppanjoksosat eai rievdaduvvo. Jus oahppoprográmma oahppoovttadagat dahje huksehus rievdaduvvo oahppoprográmma čađahettiin, de galgá dan plánet nu ahte studeanttat sáhttet čađahit oahppoprográmma almmá ahte manjonit.
- (4) Jus studeanta manjona sakka oahpuinis oktagaslaš oahppomannolatplána ektui, de sáhtá allaskuvla geatnegahttit dán rievdaduvvot. Go árvvoštallá lea go studeanta sakka manjonan, de galgá váldit vuhtii galle oahppočuoggá studeanttas váilot. Studeanta sáhtá maid leat sakka manjonan jos ii deavdde sisabeassangáibádusaid mat leat ovtadatčilgehusas nu ahte sáhtá čađahit oahppoovttadagaid manjelis oahppoprográmmas. Studeanta galgá searvat ođđa oktagaslaš oahppomannolatplána ráhkadeapmái. Dán čuovvovaš oahppomannolatplána

rievidadeami oktavuodas berre garvit gáibideames alladat jahkásaš progrešuvnna go normerejuvvon progrešuvnna.

#### **§ 4-3. Oahppovuoigatvuođa loahpaheapmi**

Oahppovuoigatvuohta loahpahuvvo go:

- a. oahppu lea čađahuvvon, dahje
- b. jus studeanta čálalaččat dieđiha ahte heaitá oahpus.

#### **§ 4-4. Oahppovuoigatvuođa massin**

- (1) Studeanta massá dábálaččat oahppovuoigatvuođa jus:
  - a. ii leat registrerehan iežas dahje máksán lohkanbadjedivada mearriduvvon áigemearrái,
  - b. ii leat boahtán oahpu álggaheapmái jus dasa lea bákkolaš oassálastin,
  - c. ii leat olahan oahppočuoggáid ovttá oahppoprográmmas guovtti lohkanbajis manjalaga (njeallje lohkanbaji oasseáiggeoahpuin), earret jus lea juolluduvvon virgelohpi oahpus, gaskaboddosaččat luvvejupmi, dahje jus lea bijahallon eret allaskuvllas,
  - d. ii leat gárven oahpu normerejuvvon áigái ja dan lassin gitta 50 proseantta normerejuvvon áiggis (unnimusat ovttá jagi). Áigeroštallamis ii galgga lohkkot mielde manjiduvvon oahppoálgis, virgelohpi oahpus, gaskaboddosaš luvvejupmi dahje jus lea eret bijahallan allaskuvllas.
- (2) Ohcama vuodul sáhtttá oahppovuoigatvuohta erenoamáš dilálašvuodain guhkiduvvot dahje máhcahuvvot.

#### **§ 4-5. Oahpu ja gelbbolašvuoda dohkkeheapmi**

- (1) Fágalaš dohkkeheapmi meannuduvvo universitehta- ja allaskuvlalága 9. kapihttala ja dasa gullelaš láhkaásahusaid vuodul. Fágalaš dohkkeheapmi Sámi allaskuvlla oahpuin meannuduvvo universitehta- ja allaskuvlalága § 9-1. mielde.
- (2) Fágalaš dohkkeheapmi gusto dušše alit dási oahpuide. Vuolit dási oahppu, nu mo joatkkaskuvladási, ii sáhte sisaheivehuvvot grádii.
- (3) Jus oahppoovttadagain dahje oahpuin lea fágalaš latnjalasvuohta, de galget oahppočuoggát vuoliduvvot. Oahppočuoggávuolideapmi dahkko dan oahppoovttadagas mii addá buoremus bohtosa studentii.
- (4) Dutkan- ja oahppostivra sáhtttá addit dárkilet mearrádusaid oahpu ja gelbbolašvuoda árvvoštallamii.

#### **§ 4-6. Virgelobit oahpus**

- (1) Studeanttas, gii oažžu máná go lea oahpu váldimin, lea vuoigatvuohta oažžut virgelobi oahpuin áhpehisvuoda áigge ja virgelobi oahpus fuolahit mánáid, gč. universitehta- ja allaskuvlalága § 10-6 (2).
- (2) Virgelobi oahpus galgá addit go lea bálvalusas suodjaluslága § 17 vuodul, go lea doaibma studeantapolitihkalaš dahje álbmotválljejuvvon orgánas ja go leat eará erenoamáš ákkat. Virgelobi galgá addit nu guhká go lea dárbu.

- (3) Studeanttas, geasa lea mieđihuvvon virgelohpi, lea ain oahppovuoigatvuohta ja vuoigatvuohta čađahit eksámena.
- (4) Allaskuvla galgá nu guhkás go praktihkalaččat vejolaš láhčit dili nu ahte studeanta sáhtá fas joatkit oahpuinis nu jođánit go vejolaš maŋgel virgelobi.

#### **§ 4-7. Oktagaslaš heiveheapmi**

- (1) Doaibmavádjit studeanttain ja studeanttain geain leat erenoamáš dárbbut lea vuoigatvuohta oažžut oahppodili ja eksámena heivehuvvot sihkarastin dihte dásseárvosaš oahppan- ja oahppovejolašvuođaid, universitehta- ja allaskuvlalága § 10-5 mielde.
- (2) Studeanttas lea alddis ovddasvástádus ohcat ja duođaštit iežas dárbbu oahppodili ja eksámena heiveheapmái mearriduvvon ohcanáigemearrái.
- (3) Ii mieđihuvvo heiveheapmi mii unnida fágalaš gáibádusaid ovttaskas oahppoovttadahkii/ohppui.
- (4) Eksámenheiveheami ohcan galgá ovddiduvvot maŋemusat guokte vahkku ovdal eksámena. Jus dárbu čuožžila maŋgel dán áigemeari, dahje jus leat eará earenoamáš sivat manne áigemeari ii leat dollojuvvon, de sáhtá ohcama meannudit jus dat ovddiduvvo dakkaviđe, ja maŋemusat vahkku ovdal eksámena.

### **KAPIHTAL 5. EKSÁMEN JA ÁRVVOŠTALLAN**

#### **§ 5-1. Eksámen- ja árvvoštallanortnegat**

- (1) Dutkan- ja oahppostivra mearrida ja meroštallá makkár eksámen- ja árvvoštallanortnegat galget adnot allaskuvllas.
- (2) Eksámen- ja árvvoštallanortnegat galget boahtit ovdan ovttatadčilgehusas.

#### **§ 5-2. Dábálaš eksámen**

Dábálaš eksámen lágiduvvo dábálaččat dan lohkanbajis go oahppoovttadaga oahpahus loahpahuvvo.

#### **§ 5-3. Ođđa ja maŋiduvvon eksámen**

- (1) Ođđa eksámen lágiduvvo kandidáhtaide geat eai leat ceavzán maŋemus dábálaš eksámena, dahje geain lei dohkálaš jávkan § 6-5 mielde maŋemus dábálaš eksámenis.
- (2) Ođđa eksámen lágiduvvo dábálaččat čuovvovaš lohkanbajis. Dábálaččat lágiduvvo dušše okta ođđa eksámen guovtti dábálaš eksámena gaskkas.
- (3) Jus oahppoplánas gáibiduvvo ahte dihto oahppoovttadaga/eksámena galgá leat ceavzán viidásit oahppomannolaga dáfus, de ođđa eksámen lágiduvvo ovdal ođđa lohkanbaji dahje dan álggahettiin.
- (4) Maŋiduvvon eksámena sáhtá fállat kandidáhtaide geat jávket dilálašvuođaid geažil maid universitehta- ja allaskuvlalága § 10-6 mudde, jus leat erenoamáš ákkat dasa ahte lágidit dakkár eksámena ovdal ođđa eksámena vuosttaš lađđasa mielde.
- (5) Ođđa ja maŋiduvvon eksámeniidda gusto seamma ovttatadčilgehus go maŋemus dábálaš eksámenii.

#### **§ 5-4. Eavttut ovddidit iežas eksámenii**

- (1) Studeanttain lea vejolašvuohta oažžut oahpahusa ja eksámena dan oahppoplána mielde mii lea gustojeaddji oahppoprográmma dahje oktagaslaš oahppomannolatplána mielde, gč. § 5-6 eksámendiediheami birra.
- (2) Studeanttat geat háliidit váldit eksámena oahppoovttadagain mat eai leat oassin sin oktagaslaš oahppomannolatplánas, sáhttet diedihit iežaset mearriduvvon eksámeniidda jus devdet buot gáibádusaid dasa.
- (3) Studeanta ferte mearriduvvon áigái leat diedihan iežas eksámenii, ja leat deavdán daid geatnegasvuođaid mat čuvvot § 4-1 oahppovuoigatvuođa birra.
- (4) Studeanta ii beasa váldit seamma eksámena eanet go golmma geardde. Allaskuvla sáhtta ohcama vuodul addit lobi čađahit njealját geahččaleami erenoamáš dilálašvuođain. Sierra njuolggadusat gusket bachelorbargguid, masterbargguid ja máhppaeksámeniid geahččalemiid lohku, gč. § 5-7.

#### **§ 5-5. Ovdamáhttu ja geatnegáhtton bargogáibádusat**

- (1) Ovttatčilgehusas sáhtta gáibiduvvot ovdamáhttu dihto oahppoovttadaga oahpahusa ja eksámena diediheapmái.
- (2) Ovttatčilgehus mearrida geatnegahtton bargogáibádusaid beassat oahppoovttadaga eksámenii.
- (3) Studeanttat geat eai leat ožžon dohkkehuvvot geatnegahtton bargogáibádusaid fertejit dábálaččat oassálastit ollásit ođđasit boahtte láve go oahppoovttadat čađahuvvo.
- (4) Studeanta sáhtta ohcat geatnegahtton bargogáibádusaid heivehuvvot universitehta- ja allaskuvlalága § 10-5 vuodul. Molssaevttolaš plána ferte dábálaččat leat čađahuvvon ovdal oahppoovttadaga loahpalaš eksámena.
- (5) Dohkkehuvvon geatnegahtton bargogáibádusat gustojit nu guhká go oahppoovttadat fállujuvvo rievddakeahtta.
- (6) Hárjehallan árvoštallojuvvo «ceavzán/ ii ceavzán». Jus studeantta ceavzin eahpiduvvo, de galgá studentii diedihit dán birra nu jođánit go vejolaš. Studeanttas leat dábálaččat guokte geahččaleami seamma hárjehallanáigodahkii.

#### **§ 5-6. Eksámenii diediheapmi**

- (1) Dábálaš eksámena beaivi galgá dábálaččat almmuhuvvot manjimusat dan lohkanbaji álggus go dábálaš eksámen lea plánejuvvon čađahuvvot. Ođđa eksámena beaivi galgá leat almmuhuvvon manjimustá guokte vahku ovdal eksámenbeaivvi.
- (2) Eksámenbáiki čuovvu oahpahusbáikki. Oahppoovttadagain main lea dušše digitála oahpahus ja eksámenuohki mii gáibida boahtima, lea eksámenbáiki Diehtosiiddas. Olggobealeruhtaduvvon oahpuin sáhtta soahpat sierra mearrádusaid eksámenbáikki válljemis.
- (3) Sierra ohcama bokte lea vejolaš čađahit eksámena eará sajes go doppe gos dábálaš eksámen lágiduvvo. Allaskuvla ferte dohkkehan eksámenbáikki. Ohcan galgá ovddiduvvot unnimusat golbma vahku ovdal eksámena, ja vihtta vahku ovdal jus eksámen galgá čađahuvvot olgoriikkas. Studeanta gokčá ieš lassigoluid mat ležžet dán oktavuodas. Stivra mearrida liigebarggu oktavuodas sierra divada.



- (4) Studeanta diediha iežas oahppoovttadagaid eksámenii registrerema bokte, oahppokaleandara áigemeiriide. Studeanttas lea alddis ovddasvástádus dárkkistit ahte su eksámendiediheamit áiggis áigái leat riekta, ja čuovvut mielde eksámenáiggi ja -báikki.
- (5) Go leat erenoamáš áigemearit diediheapmái ođđa/manjiduvvon eksámenii, de ferte studeanta ieš diedihit iežas ovdal áigemeari.
- (6) Jus leat erenoamáš deatalaš ákkat, de sáhtta studeanta ohcat diedihit eksámenii maiddá manjel áigemeari.
- (7) Kandidáhtat sáhttet ieža geassádit eksámenis manjemusat 10 beaivvi ovdal eksámenbeaivvi. Kandidáhtat sáhttet geassádit masterbarggu addimis gitta sisabuktináigemeari rádjái. Dalle ii registrerejuvvo eksámengeahččaleapmin.

## **§ 5-7. Sierra mearrádusat bachelorbarggu, masterbarggu ja máhppaeksámena birra**

- (1) Bachelorbarggus leat gitta 3 geahččaleami. Jus bargu ii ceavzze árvvoštallama, de sáhtta kandidáhtta válljet buktit barggu rievdaduvvon hámis dahje buktit áibbas ođđa barggu. Kandidáhtta sáhtta oktii buktit seamma barggu rievdaduvvon hámis. Bargu mii lea joavkkus bargojuvvon, ii sáhte rievdaduvvot oktagaslaččat. Rievdaduvvon barggu ođđa sisabuktin lohkkjuvvo eksámengeahččaleapmin. Jus rievdaduvvon bargu ii ceavzze árvvoštallama, de ferte kandidáhtta ráhkadit áibbas ođđa barggu. Go ođđa bargu buktojuvvo, de ferte dábálaččat ođđasit čadahiit geatnegahtton bargogáibádusaid mat čatnasit bachelorbargui. Dán lađđasa mearrádusat gustojit nai geatnegahtton dutkan- ja ovdánahttinbargui vuodđoskuvlaoahpaheaddjeoahpus.
- (2) Masterbarggus leat gitta 2 geahččaleami. Jus masterbargu ii ceavzze árvvoštallama, de sáhtta kandidáhtta válljet buktit barggu oktii ođđasit rievdaduvvon hámis dahje buktit áibbas ođđa barggu. Bargu mii lea joavkkus bargojuvvon, ii sáhte rievdaduvvot oktagaslaččat. Rievdaduvvon barggu ođđa sisabuktin lohkkjuvvo eksámengeahččaleapmin.
- (3) Jus máhppaeksámen ii ceavzze árvvoštallama, de sáhtta kandidáhtta ođđa eksámenis buktit seammá máhppaeksámena rievdaduvvon hámis. Máhppaeksámen mii lea joavkkus bargojuvvon, ii sáhte rievdaduvvot oktagaslaččat. Máhppaeksámena ođđa buktin lohkkjuvvo eksámengeahččaleapmin. Jus kandidáhtta ii diedit iežas ođđa eksámenii dahje ii ceavzze ođđa eksámena, de kandidáhtta čujuhuvvo boahhte dábálaš máhppaeksámenii. Boahhte dábálaš máhppaeksámenis ferte kandidáhtta ráhkadit ođđa máhppaeksámena.
- (4) Jus kandidáhtta lea universitehta- ja allaskuvlalága § 12-4 vuodul ožžon sihkkjuvovt barggu mii dán mearrádusas lea namuhuvvon, de ferte kandidáhtta ráhkadit áibbas ođđa barggu ođđa geahččaleami oktavuodas.
- (5) Dán mearrádusas namuhuvvon bargguid ii sáhte buktit ođđa árvvoštallamii rievdaduvvon hámis go lea ceavzán árvvoštallama.
- (6) Masterbargu dahje sullasaš barggut leat dábálaččat almmolaččat ja biddjuvvojot allaskuvlla digitála arkiivii rahpasit olámuddui, nu guhká go dain eai leat diedut maidda gusto láhkamearriduvvon jávohisvuodageatnegasvuohhta. Ovttaskas kandidáhtta sáhtta biehttalit barggu bidjamis rahpasit olámuddui. Allaskuvla sáhtta maiddá čuoldit bargguid almmolašvuodas jus leat nana ákkat.

## **KAPIHTAL 6. EKSÁMENA ČAĐAHEAPMI**

### **§ 6-1. Giella**

Eksámenbargobihtát Sámi allaskuvllas leat sámegillii ja vástiduvvojit sámegillii, jus eará ii leat mearriduvvon ovttatadčilgehusas.

## **§ 6-2. Digitála eksámen**

Kandidáhtain ferte dábálaččat alddiineaset leat mátkedihtor maid sáhttet atnit eksámenis. Dárbblašlaš prográmmagálvu galgá leat kandidáhtaide olámuttos buori áiggis ovdal eksámena. Kandidáhtain lea alddiineaset ovddasvástádus installeret dárbblašlaš prográmmagálvvu ovdal eksámena. Earenoamáš oktavuodain sáhtta ohcat oažžut Sámi allaskuvllas luoikkasin dihtora.

## **§ 6-3. Eksámena veahkkeneavvut**

- (1) Mat leat lobálaš veahkkeneavvut eksámenis galget almmuhuvvot kandidáhtaide čálalaččat maŋemusat vahku ovdal eksámena, ja galgá boahtit ovdan eksámenbihtás.
- (2) Kandidáhtas lea alddis ovddasvástádus diđoštít makkár veahkkeneavvut leat lobálaččat juohke eksámenii.

## **§ 6-4. Eksámenáigi**

Eksámen rehkenastojuvvo álggahuvvon go eksámenbargu juhkkuojuvvo dahje biddjo olámuddui.

## **§ 6-5. Jávkan eksámenis ja eksámena botken**

- (1) Son guhte ii geassát eksámenis § 5-6 čihččet lađđasa áigemeiriide, ja guhte ii leat ožžon dohkkehuvvon jávkama eksámenis, rehkenastojuvvo ovddidan iežas eksámenii ja lea atnán ovtta eksámengeahččaleami.
- (2) Kandidáhtta guhte jávká eksámenis ja guhte čuoččuha ahte lea dohkálaš jávkan, ferte 5 beaivvi sisa buktit čálalaš duođaštusa. Jus lea ieš buozas dahje buozalmasvuohta lagamus bearrašis, de galgá buktit doavtterduođaštusa. Doavtterduođaštus ferte leat dakkár ahte duođašta jávkama dihto eksámenis.
- (3) Jus kandidáhtta botke eksámena mii čađahuvvo bearráigeahču vuolde, almmá addimis sisa barggu dahje addá sisa guoros barggu, de rehkenastojuvvo dat botkejuvvon eksámenin. Kandidáhtta guhte botke skuvlaeksámena mii lea álgán, galgá vuolláičállit ja buktit botkejuvvon eksámena skovi. Botkejuvvon eksámen rehkenastojuvvo eksámengeahččaleapmin. Dohkálaš jávkan § 6-5 nuppi lađđasa mielde guoská nai kandidáhttii guhte botke eksámena.
- (4) Jus ruovttueksámena sisabuktin maŋŋona, de sáhtta oahppohálddahuš addit gitta 48 liigediimmu, jus dalán sáhtta čálalaš doavtterduođaštusain duođaštít iežas fáhkka buozanvuohta dahje heahtedilli lagas bearrašis. Máhppaárvvoštallama dahje guhkit áiggi bargguid buktima olis ferte oahppokoordináhtor árvvoštallat guhkidit áigemeari ovttasráđiid oahppohálddahušain.
- (5) Go jávká njálmmálaš dahje praktihkalaš oasis eksámenis, mas čálalaš barggu árvosátni muddejuvvo njálmmálaš dahje praktihkalaš eksámena vuodul, de bisuha gaskaboddosaš árvosáni § 9-2 nuppi lađđasa vuodul dassáži go mudden lea čađahuvvon ja loahpalaš árvosátni addojuvvon. Jus čálalaš bargu árvvoštallojuvvui ii ceavzán de dát árvosátni lea loahpalaš.
- (6) Kandidáhtta guhte lea buktán eksámenbarggu, ii sáhte čuoččuhit ahte lea dohkálaččat jávkan ja nu beasadit eksámenbarggu sensureremis.

## KAPIHTAL 7. VERROŠEAPMI, SIHKKOJUPMI JA ERET BIJAHALLAN

### § 7-1. Verrošeapmi, sihkkojupmi ja eret bijahallan

- (1) Verrošeapmin dahje verrošeami geahččaleapmin rehkenastojuvvo earret eará:
  - a. Geavahit dahje atnit lobihis veahkkeneavvuid olámuttos eksámenis.
  - b. Ovdanbuktit earáid barggu iežas bargun almmá doarvái bures čujuhit gálduide dahje sitáhta čalmmustahttima haga.
  - c. Buktit praktihkalaš dahje dáiddalaš barggu maid soames eará go studeanta ieš / studeanttat ieža lea(t) hábmen.
  - d. Buktit barggu maid soames eará go studeanta ieš / studeanttat ieža lea(t) ráhkadan
  - e. Lobihis ovttasbargu gaskkal studeanttaid dahje joavkkuid.
  - f. Dieđuid fabrikkeren dahje fálsken.
  - g. Eahperehálaččat ožžon eksámenbihtá ovdal go eksámen álgá.
  - h. Ođđasit geavahit iežas ovdal buktojuvvon barggu mas lea ožžon bohtosa, almmá dan birra dieđihit.
- (2) Verrošeapmi dahje verrošeami geahččaleapmi geatnegahtton bargogáibádusaid oktavuodas maid allaskuvla árvvoštallá, čuovvu seammá mearrádusaid go eksámenis verrošit.
- (3) Eksámenverrošeami mearrádusat gustojit maidái ph.d.-prográmma oahpahusoasi eksámeniidda.
- (4) Váilevaš diehtu njuolggadusaid verrošeami, gáldogeavaheami, lobálaš veahkkeneavvuid, eksámennjuolggadusaid birra ja sullasaš ii luvve studeantta ovddasvástádusas.
- (5) Studeanttat geat eaktodáhtolaččat dahje roavva ávvirmeahttunvuodain leat verrošan dahje geahččalan verrošit eksámenis, sáhttet oažžut eksámena sihkkojuvvot, bijahallot eret allaskuvllas ja massit vuogiatvuodá váldit eksámena buot universitehta- ja allaskuvlalága vuollásaš ásašusain gitta ovttá jahkái. Earenoamáš roavva dilálašvuodain sáhtta studeanta bijahallot eret gitta guovtti jahkái. Ph.d.-studeanttaide geat leat virgáduvvon universitehtas dahje allaskuvllas gustojit sierra njuolggadusat, geahča universitehta- ja allaskuvlalága § 13-1 nuppi lađđasa ja § 13-2.
- (6) Eksámena sihkkun verrošeami dahje verrošeami geahččaleami vuodul, lohkkojuvvo eksámengeahččaleapmin.

## KAPIHTAL 8. SENSUVRA

### § 8-1. Árvosátnevuogádat

- (1) Allaskuvllas geavahuvvojit čuovvovaš árvosátneskálá:
  - a. Ceavzán / ii ceavzán
  - b. Graderejuvvon árvosátneskála mas leat vihtta ceahki A rájes E rádjái go lea ceavzán, ja F go ii leat ceavzán. Leat mearriduvvon oppalaš, kvalitatiiva čilgehusat skálai maid gávnnat allaskuvlla neahttasiiddus.
- (2) Oahppoovttadagain main leat mánnggat árvvoštallamat, fertejit buot oasit leat cevzon ovdal oahppoovttadaga loahpalaš árvosátni addojuvvo.
- (3) Jus kandidáhtta lea čađahan seamma eksámena mánngga geardde, de gusto buoremus árvosátni.

## **§ 8-2. Sensorortnegat**

- (1) Čuovvovaš dilálašvuodain galget leat guokte sensora:
  - a. Kandidáhtaid iešheanalaš vuolitdási barggu (bachelor- dahje kandidáhttabarggu) sensureremis ja eksámeniin mat okto dahket 15 oahppočuoggá dahje eanet.
  - b. Njálmmálaš eksámeniid sensureremis ja praktihkalaš eksámeniid ja sullasaččaid sensureremis maid ii sáhte dárkkistit ja danin ii sáhte váidit.
- (2) Čuovvovaš dilálašvuodain galget leat guokte sensora, geain unnimusat okta lea olggobeale sensor:
  - a. Kandidáhtaid iešheanalaš masterdási barggu (masterbarggu) sensureremis.
  - b. Ođđa sensuvrra (váiddasensuvrra) oktavuodas universitehta- ja allaskuvlalága § 11-10 vuodul.
- (3) Olggobeale sensor ii galgga leat leamaš virgáibiddjon Sámi allaskuvllas gustovaš lohkanbajis.

## **§ 8-3. Sensuvra**

- (1) Sensoriid nammada guoskevaš goađi goahtejođiheaddji. Váiddasensoriid nammada seammás.
- (2) Buot eksámeniidda galgá ráhkaduvvot čálalaš sensorláidehus. Sensorláidehus galgá leat olámuttos sensoriidda sensuvrra čađaheami oktavuodas. Sensorláidehus almmuhuvvo kandidáhtaide mañemusat mañnel go sensuvrra bohtosat leat almmuhuvvon.
- (3) Kandidáhttii galgá sihkkarastojuvvot anonymiserejuvvon sensuvra nu guhkás go vejolaš.
- (4) Masterbargguid árvvoštalađettiin ii sáhte kandidáhta bagadalli leat sensorin. Dárbbu mielde sáhtta sensorkommišuvdna bivdit bagadalli čilget čálalaččat bagadallanproseassa.
- (5) Sensuvrra galgá almmuhit mañemusat 15 bargobeavvi mañnel eksámena, jus stivra ii leat universitehta- ja allaskuvlalága § 11-7 vuodul gaskaboddosaš lálkaásahusas mearridan eará áigemeari.
- (6) Čuovvovaš sensuvrraáigemearit gusket masterbargguide ja sullasaš bargguide:
  - a. Bachelorbargguide mat leat unnimusat 20 oahppočuoggá viidodagas galgá sensuvra almmuhuvvot 20 bargobeavvi siste sisabuktináigemeari rájes.
  - b. Masterbargguide galgá sensuvra almmuhuvvot 30 bargobeavvi siste sisabuktináigemeari rájes.
- (7) Njálmmálaš dahje praktihkalaš eksámeniin galgá sensuvra almmuhuvvot mañemusat 24 diimmu mañnel eksámenčađaheami mañemus eksámenbeavvi.
- (8) Čálalaš bargguin, main lea árvosáni mudden mañnel njálmmálaš dahje praktihkalaš eksámena, almmuhuvvo čálalaš barggu sensuvra mañemusat 24 diimmu ovdal njálmmálaš dahje praktihkalaš eksámena. Ferte leat ceavzán čálalaš barggu ovdalgo sáhtta váldit čuovvovaš njálmmálaš dahje praktihkalaš eksámena. Go čálalaš bargu lea árvvoštallojuvvon leat F, de árvosátni lea lohpaláš.

## **§ 8-4. Lohpi buvttadit eksámengáhppálagaid plagiáhtadárkkisteami oktavuodas**

Buktojuvvon eksámenvástádusaid ja studeantabargguid sensuvra sáhtta sisttisdoallat plagiáhtadárkkisteami. Allaskuvla sáhtta vurket ja atnit eksámenvástádusaid ja studeantabargguid (gáhppálagaid buvttadeapmi) plagiáhtadárkkisteami oktavuodas boahhtevaš eksámenvástádusain ja studeantabargguin.

## KAPIHTAL 9. VUOĐUŠTEAPMI JA VÁIDDA

### § 9-1. Árvosáni vuođušteapmi

- (1) Universitehta- ja allaskuvlalága § 11-8 mielde lea studeanttas vuoigatvuohta oažžut vuođuštusa iežas sensurmearrádusa hárrái.
- (2) Čálalaš eksámeniin ferte studeanta gáibidit vuođuštusa ovdalgo vahkku lea gollan dan rájes go sensurmearrádus lea almmuhuvvon studeanttaide.
- (3) Njálmmálaš, čađaheaddji dahje praktihkalaš eksámeniin ferte studeanta gáibidit vuođuštusa dalán maŋnel go sensurmearrádus lea diedihuvvon studentii.
- (4) Eksámeniidda main loahpalaš árvosátni lea mearriduvvon sihke čálalaš ja njálmmálaš geahččaleami vuođu, sáhtta vuođuštangáibádus ovddiduvvot easkka dalle go loahpalaš árvosátni lea almmuhuvvon.
- (5) Studeanta galgá oažžut vuođuštusa iežas árvosáni hárrái ovdal go guokte vahku leat gollan dan rájes go studeanta lea sihtan dan. Vuođuštus galgá sisttisdoallat oppalaš prinsihpaid mat leat sensurmearrádusa, ja studeantta olahusaid árvvoštallama vuođđun. Sensor mearrida galgá go addit vuođušteami čálalaččat dahje njálmmálaččat.
- (6) Lea oktagaslaš vuoigatvuohta bivdit vuođušteami joavkoeksámenis.

### § 9-2. Árvosáni váidin

- (1) Studeanta sáhtta váidit čálalaččat iežas sensurmearrádusa ovdal go golbma vahku leat gollan maŋnel go eksámenbohtosat leat almmuhuvvon. Jus studeanta lea sihtan vuođušteami § 9-1 vuođu dahje lea váidán formálalaš boasttuvuođaid § 9-3 vuođu, de lohkkogoahká váidináigemearri dan rájes go studeanta lea ožžon árvosáni vuođuštusa dahje formálalaš meattáhusaid bohtosa. Joavkoeksámena oktavuođas guoská dákkár váidináigemeari viiddideapmi dušše kandidáhtaide geat lea gáibidan vuođušteami dahje váidán formála meattáhusaid eksámenis.
- (2) Eksámena mas loahpalaš árvosátni lea mearriduvvon sihke čálalaš ja njálmmálaš geahččaleami vuođu, sáhtta váidit easka dalle go loahpalaš árvosátni lea almmuhuvvon. Jus eksámenis lea čálalaš geahččaleapmi mas lea njálmmálaš mudden, ja árvosátni rievdaduvvo eksámena čálalaš oasi ođđa sensuvrra vuođu, de galgá ođđa njálmmálaš geahččaleapmi lágiduvvot loahpalaš árvosáni mearrideapmái.
- (3) Árvosáni njálmmálaš eksámeniin, bargohárjehallamis, praktihkalaš eksámeniin dahje sullasaččain, maid ii sáhte dárkkistit, ii sáhte váidit.
- (4) Váiddasensorat eai galgga beassat diehtit álgoárvosáni, ovddit sensora vuođušteami dahje studeantta váidaga vuođušteami.
- (5) Jus ođđa sensuvrra árvosátni spiehkasta guvttiin dahje eanet árvosániin álgosensuvrra árvosánis, de galgá vel ođđasit árvvoštallat ášši ovdalgo loahpalaš árvosátni mearriduvvo. Sensorat sihke álgo ja ođđa sensuvrras galget ovtta dán árvvoštallat. Jus eanetlohku sensoriin eai leat ovttaoavilis árvosáni hárrái, de galgá allaskuvla nammadit vel ovtta sensora mii galgá leat mielde árvosáni bidjamis. Ođđa árvosáni galgá čálalaččat vuođuštit.
- (6) Lea oktagaslaš vuoigatvuohta váidit joavkoeksámena. Vejolaš árvosáni rievdan gusto dušše sutnje guhte lea váidán.

### § 9-3. Formála meattáhusaid váidin

Formála meattáhusaid eksámeniin dahje sensuvrras sáhtta váidit universitehta- ja allaskuvlalága § 11-9 vuodul. Dákkár váidda galgá ovddiduvvot golmma vahku siste dan rájes go kandidáhtta dovddiidii váidaga dilálašvuodaid. Jus lea ovddiduvvon gáibádus vuodustit árvosániid mearrideami dahje árvosáni váidda, de lea váidináigemearri dán paragrafa mielde dan rájes go kandidáhtta lea ožžon vuoduštusa dahje go váidda lea loahpalaččat mearriduvvon.

## KAPIHTAL 10. OAHPPODUOĐAŠTUS JA ÁRVOSÁTNEČÁLUS

### § 10-1. Oahppoduođaštus

- (1) Sámi allaskuvla čállá oahppoduođaštusaid čađahuvvon grádain, bachelorgrádain, mastergrádain, ph.d. dahje eará oahppoprográmmain.
- (2) Go studeanta gárve oahpu ja olaha gráda, de čállojuvvo dábálaččat digitála oahppoduođaštus.
- (3) Sámi allaskuvla čáliha oahppoduođaštusaid dábálaččat sámegillii. *Diploma Supplement* ja *Transcript of Records* čuovvu oahppoduođaštusa mielddusin.
- (4) Čuovvovaš dilálašvuodain sáhtta oahppoduođaštusa čálihit báberhámis:
  - a. jus studeanttas váilu norgga riegádannummár dahje D-nummár
  - b. jus studeanta lea ožžon digitála duođaštusa, muhto dárbbša čájehit duođaštusa báberhámis olgoriikka oahppoásahusaide dahje bargoadiide.
- (5) Jus kandidáhtta lea massán báberduođaštusa, de sáhtta earenoamáš oktavuodain (ovdamearkka dihte buollima oktavuodas) oažžut duplikáhttaduođaštusa ohcama vuodul. Ohcama galgá duođaštit. Kandidáhtta ferte máksit divada duplikáhta čáliheami ovddas.

### § 10-2. Árvosátnečálus

- (1) Kandidáhtta sáhtta dađistaga ja go čađaha oahpu, viežžat árvosátnečállosa.
- (2) Árvosátnečálus galgá čájehit árvosáni buot oahppoovttadagain main kandidáhtta lea ceavzán eksámena. Oasseeksámeniid bohtosat eai boađe dábálaččat ovdan.

## KAPIHTAL 11. PRIVATISTTAT

### § 11-1. Privatisttat

- (1) Privatistta vejolašvuolta čuovvut oahpahusa allaskuvllas lea ráddjejuvvon almmolaš logaldallamiidda.
- (2) Privatisttas lea vuoigatvuolta dieđihit iežas eksámenii jus lea ohcan mearriduvvon áigemearrái, ja lea duođaštan ahte son deavdá sisabeassangáibádusaid ja buot eará gáibádusaid dieđihit eksámenii, dakko bokte maidái earenoamáš ovdamáhtu ja geatnegahtton bargogáibádusaid. Privatistta dieđiheapmi eksámenii oahppoovttadagaide mat gullet olggobeale ruhtaduvvon oahpuide galgá dábálaččat hilgojuvvot.
- (3) Privatisttas sáhtta dábálaš lohkanbadjedivada lassin gáibidit sierra eksámenmávssu man stivra lea mearridan.

## **KAPIHTAL 12. EARÁ MEARRÁDUSAT**

### **§ 12-1. Dárkilet mearrádusat**

Dutkan- ja oahppostivra sáhttá addit dárkilet mearrádusaid dán láhkaásahussii. Dat eai galgga gáržžidit daid vuoigatvuođaid ja geatnegasvuođaid mat studeanttas leat dán láhkaásahusa vuodul.

### **§ 12-2. Giellaveršuvnnat**

Láhkaásahus lea sihke sámegillii ja dárogillii. Jus dát guokte giellaveršuvnna leat vuostálagaid, de galgá sámegiel veršuvdna gustot.

### **§ 12-3. Fápmuiboahhtin**

- (1) Láhkaásahus boahtá fápmui suoidnemánu 1. b. 2026.
- (2) Suoidnemánu 1. b. 2026 rájes loahpahunvuo Sámi allaskuvlla eksámen- ja loahpalaš árvvoštallama láhkaásahus (2011) ja Sámi allaskuvlla bachelorgráda láhkaásahus (2015).